

嶺

南

詩

集

嶺南詩集總目

益都李文藻素伯

恩平集一卷

嶺南詩集一

古今詩八十二首

潮陽集卷第一

嶺南詩集二

古今詩九十一首

潮陽集卷第二

嶺南詩集三

古今詩五十一首

潮陽集卷第三

嶺南詩集四

古今詩八十二首

桂林集卷第一

嶺南詩集五

古今詩五十首

桂林集卷第二

嶺南詩集六

古今詩九十六首

桂林集卷第三

嶺南詩集七

古今詩五十六首

桂林集卷第四

嶺南詩集八

古今詩六十三首

予性不喜作詩尤不喜序人之詩以爲詩者志也非意所欲言而强而爲之妄也不知其人志趣所在而强爲之辭贅也韓子之言曰物不得其平則鳴吾謂鳴者出於天性之自然金石絲竹匏土革木鳴之善者非有所不平也鳥何不平於春蟲何不平於秋世之悻悻然怒戚戚然憂者未必其能鳴也歐陽子之言曰詩非能窮人殆窮者而後工吾謂詩之最工者周文公召康公尹吉甫衛武公皆未嘗窮晉之陶淵明窮矣而詩不自言其窮乃其所以愈工也若乃前導八騶而稱放廢家累

巨萬而歎竇貧舍己之富貴不言翻托於窮者之詞無  
論不工雖工奚益予持此論久矣其後交李子南澗乃  
不相謀而相合焉南澗之性情與予略相似予好聚書  
而南澗抄書之多過於予予好金石文而南澗訪碑之  
勤過於予予好友朋而南澗氣誼之篤過於予予好著  
述而南澗詩文之富過於予世俗以鄉會試所得士與  
試官相稱爲師弟特以名奉之而吾兩人乃以臭味相  
合方其在京華每一日不相見輒卹然若失不知其何  
以然也南澗既以磊落英偉之文登進士第乃掩微瘡

癡之鄉舟車奔走日不暇給而詩益奇而工歿後其仲弟以遺橐示予官爲一集蓋仿王筠之例讀之似近而遠似質而雅似淺而深中有所得而不徇乎流俗之嗜好此非有不平而鳴者也此不言窮而工者也此真合乎古詩人之性情而必傳之詩也予不辭而序之者蓋深知夫人之志趣而非強爲之辭也竹汀居士錢大昕

書

恩平集

益陽李文輝  
叟齋

富陽

富陽山水最清修小憩停帆大

橋頭風拂江

長年祇解說杭州

九里洲看梅花

我過九里洲將至桐廬縣洲中梅萬本平生驚創見香  
微鼻觀通質皎目光眩種奪孤山園色迸澄江練芳春  
遇素心似雪怯白戰庾嶺到何時清景茲已擅借以醫  
客俗匪惟破旅倦惜哉不可畱風檣疾如箭

朱夫門丈招集端明書院賦詩見贈次韻畱別二

首

前賢講學地著錄盡高才次第傳經徧織綸負笈來詩  
教青鬢改花繞絳紗開江漢仍歌頌鳴琴有舊臺  
屈指鄉先輩先生最愛才十年春樹隔一騎玉山來瘴  
海從茲去芳尊向夜開離愁滿前路擬上鬱孤臺

貴溪縣

細甚貴溪縣古風猶尙存人家佃山觜春漲沒城門俸  
薄儉常足官卑清自尊斯言示圭臬賢宰與重論

南昌遇故人張竹書二首

契闊徒書札重逢認鬢毛此鄉耽勝跡幕府亦風騷越  
嶠雲千疊草江水幾篙茫茫問前路未有割雞刀

別後皆無母憂來爲有官去鄉多涕淚感舊說艱難南  
紀餘詩卷東溟負釣竿行藏都不可羨爾一枝安

南昌府

豫章城畔夕冥冥萬里孤舟此暫停柳色隨江圍郭綠  
山光挾雨落帆青偶然詞賦滕王閣大有烟霞孺子亭  
更憶南豐欣賞地攜尊吾欲問秋屏

市汊雨泊

天氣水鄉異雨聲蓬背頻江雲迷雁影野火見漁人長路青春老多愁白髮新家園遺弟妹此夜客沾巾

劍江驛

龍山雨中過南去是豐城人影三潭曲春烟萬柳爭千  
將寧有氣驛舍至今名小住貪佳地惟聞欸乃聲

新淦東山

次莊居此山築堂雅好古法刻倣淳化毫芒手摩獫琳  
瑯或烟銷折本重藝圃我嘆鳳山帖後先勒別墅寶備

宋文獻作者自鋪敘石無片段畱名不著圖譜好事同  
戲魚顯晦不相伍前程過廬陵一弔曾宏父

望玉笥山

玉澗遙從玉笥分名山道笈向來聞欲尋梅尉修真處  
三十三峯盡白雲

樟口野泊

長牌過十里野泊傍漁船淺渚紛新柳羣峯共暮烟春  
拋書帙裏身寄藥鑪邊小弟殊清興歌詩日幾篇

舟次寄周書昌

濟南東郭別揮涕忽踰年雲樹回頭杳溪山寓目偏貧  
知行路苦嬾失著書緣懷友兼多病春來雪滿顛

快閣懷黃山谷

昔時白下宰姦黠不敢欺所以有餘快倚閣晚晴時

百家邨

明朝萬安縣今夜百家邨竹圃迷山觜巖扉帶水痕蓬  
低飽風雨裘敝忽寒溫前路灘聲惡霜髭又幾根

崑崙灘

山上石欲墜山下石欲飛舟行亂石中浪花濺我衣人

願上灘速我願上灘遲所恐巉巖盡兩岸無清暉

儲潭廟

章貢匯儲潭潭神鎮其北廟貌始東晉後來彌增飾兩廊十八像獐惡配血食云是十八灘拱手儼述職篙師羣奔走惟祈風浪息殺牲汚几案稽首斷門闕我亦脫灘險過此謝冥德乃見唐時碑屹然欄楯側圓額短於人楷法人可識謂神能拯旱靈雨禱斯得頌出諸裴手后自大歷勒所幸兩面完微恨高牆逼衆碣復麻列差珍宋元刻熙寧詞翰佳至順亦典式摩搨吾所諳積蘚

手拂拭行籠尋旣椎邨市買膠墨四碑齊施紙頗資僧  
籬力樵漁紛驚咤聚觀到日是吾生癖嗜古收此等雞  
肋船載琳瑯文真足壯行色回首靈隱寺經幢漸剝蝕  
虎邱宋石殿題名土壤塞剝折悵未暇經久纏胥臆前  
望八境臺登眺已在卽翠琰存幾何吾欲訪蘇軾

贛州府贈太守李公枝昌

時攝道印  
主關榷

贛石三百里公乃其主人惠政致霖雨水漲減嶙峋浮  
我一葉舟早到贛城鬪闢榷渡何易不遭奴隸瞋公自  
識大體非憐下吏貧回憶北新關魚過無縱鱗不爲泛

西湖誰其重問津

南康縣

曲折芙蓉渡沙明日又低山城短於竹茅舍半臨溪好  
鳥尋常見晴嵐咫尺迷惟憑雙塔影猶可識東西

牽夫謠

南康縣北水多灣南康縣南水多灘陸行一里舟三里  
高崖仄徑春風寒贛州九縣十萬戶惟有會昌牽夫苦  
明朝出峽到南安且喜歸船但搖櫓

南安峽口山形曲峭頗似佛峪因寄周書昌

佛峪曾經訪草菴  
礪松巖瀑對高談  
炎洲不復通幽夢  
忽有青山似濟南

張文獻公祠

招提竹樹嶺頭分丞相祠堂  
海內聞羽扇人人想風度  
梅花歲歲薦清芬  
春晴簾入雙飛燕  
地迴階生萬壑雲  
不獨鄉邦感爲德  
開元功業本無羣

舟中觀暉

宅郎未週歲萬里隨蓬轉  
去年客濮州三月五日產今年  
遇此日湏江方阻淺卸帆無一事  
孤悶賴汝遺銅鑼

當瞬盤什物客中鮮其母爲羅列眼前忽已滿先取惟  
書筆十指齊攏撲傍有黑手本督視不一展大快老夫  
懷俗吏或可免長卽授詞賦希中瀛洲選未遽通古今  
且用大字簡瞪瞪兩銀錠舉手何太嬾田園<sub>吾已</sub>棄到  
汝無飯盆汝又拙治生誰復救衰喘

曲江道中

我過武溪水不經昌樂瀧中宵北風至一葉下湞江蠻  
唱懸崖苔漁磯曲酒撞好山紛在眼冒雨啟蓬窗

橫石磯

鎮日行危峽茲磯亦曲阿山深邨舍少帆疾驛亭多大廟鄰神女嚴城憶尉佗前賢泊舟地漁洋有黃石磯夜雨詩卽橫石磯

惆悵一經過

廣州竹枝詞二首

老蚌燒灰雪樣光南扶留葉裹檳榔誰教併作屠門嚼散落紅潮滿路旁

牡蠣牆頭常溜雨魚鱗窗子最禁風五僊門外看潮至人在龍堂貝闕中

海幢寺

五篷小艇泛珠江偶逐鐘聲到海幢樹挾波濤鳴殿宇  
山連城郭入樓窗遙來嶺嶠前生定暫憩禪林萬念降  
欲就上人求說法南華六祖是同邦

到恩平任二首

四月二日歲庚寅初綰銅章炎海濱行過八千餘里路  
來治三十一圖人排衙吏纏榕陰滿荅客輿穿笏竹頻  
金字牌書前進士夜郎自大在今辰

壯歲才專斗大城峒丁蠻戶解逢迎地當十室求忠信  
我亦全家託死生經籍幾人能盡識苗畬千頃待深畊

若除教養非爲政敢把空言潤太平

寄鄧謙持二首

見說炎方惡此來殊不然連山甘蔗地細雨荔枝天珠  
翠羊城市笙歌蟹戶船紛紛恣清賞天乞壯游緣  
癖嗜惟金石南荒昔未經摩挲來萬里往往見儀型初  
地尋雙塔高巖問七星昨逢翁學士贈我古鐘銘

恩平雜咏六首

萬疊山中一水澗數間官舍似山英吟詩莫拾南恩事  
地是前朝巡檢司

山嵐水蠱動相猜  
盛暑陰霖久不開  
聞道羊桃能辟瘴  
趁墟買取五棱來

榕陰爲屋竹爲牆  
供養雲根尺半強  
社日焚香齊下拜  
人人顛似米元章

增城挂綠最聲稱  
對客流涎見未曾  
香荔原從掣籤得  
天教小邑接新興

北花南果品題殊  
龍目誰教號荔奴  
若準花王有花相  
天然月旦玉盤盂

十丈長材葉始生  
鬚垂花落綠珠成  
剥皮更取桄榔麪

我是中原食餅餉

蒲橋舟中

笏竹夾郵亭人家似散星近田聞蟋蟀臨水數蜻蛉  
蠻語漸能解漁歌聊可聽高低萬山色不對故園青

哀張林

軍流五十人安置來僻縣取以充隸卒得食免逃竄張  
林本水賊扛輿力頗健如何蒲橋渡得水生狎玩技癢  
自衒矜同曹笑且看中流忽被溺我舟已及岸回首援  
無及吏人空叫喚赫然爲心動事我序已換綠厓或獮

挂炙日等牛汗霑衣右肩創披襟兩足爛其生已可憫  
其死劇可嘆若無泅水技何遭沈水患咄咄巧與拙利  
害斯應辨

鶴山縣贈曾明府行蕃

鶴山山似鶴城郭帶山峯來路嶮巖甚停輿竹樹深訟  
庭容屬草澗水苔鳴琴羨爾能爲政栖栖感我心

江行

近識江行樂眠飧得自如寧乘五篷艇不憶兩輸車山  
色推窗裏詩篇下筆餘清尊何以佐前岸賣嘉魚

奉調入闈二首

自揣生來骨相貧  
山城半載歷艰辛  
才逢八月徵兵米  
卻把銅章讓別人

到日局門先考試  
愁持筆硯向羊城  
老嫗莫漫誇身手  
定有孩兒倒入繩

觀湛甘泉所作陳白沙墓碑

人物南邦最碑銘  
異代存停帆上江岸  
身到白沙邨  
玉藏樓閣遺書問  
子孫增城詞翰好  
端足報師門

入內簾呈同事諸君

簿領沈迷劇可憎喜來鍵戶避喧騰三朝手試治羹婦  
獨夜身爲退院僧未輟歌哦揮墨筆久同甘苦是青燈  
欲裁僞體須商略周北張南慶得朋

周樂昌張永  
安與予比舍

薦卷

薦卷憑君子細論頻加顙色不留痕久知世上京官貴  
又道人閒墨筆尊

闡中夜坐

番禺山北越臺東鎖院沈沈似蟄蟲燭穗瓶笙支夜雨  
寺鐘城柝遞秋風要求神駿生前骨須辨清音爨下桐

屈指恩門多未報當年辛苦此宵同

十房官公宴兩主考卽席二首

鹿鳴歌罷又張筵節使將歸意惘然南海衣冠盛今夕  
後堂絲竹及中年蠻歌蠻舞聞顏易榔酒橫茶入手偏  
眼見素馨簪滿髻不須惆悵弔花田

鎖闈一月接高談徹棘徵歌勸駐驂列坐歡呼如脫兔  
回頭局縮似眠蠶鼓聲夜已三撾過酒色春將萬戶酣  
莫聽驪駒動歸思秋風例不到天南

房師潘樸邨先生賦詩見寄奉和四首

新詩傳萬里灑淚認封題嶽樹回頭杳江雲到眼迷清

涼祛五瘴辛苦課三犁

原詩

十字書垂帶分明是土圭

幸已習水土何知行路難孤城懸絕徼八口出層灘喜怒防胥吏枉營事上官天南少霜雪卻向鬢毛看

海晏諸蠻熟山深一令尊看花歷冬夏種芋足饗飧事似魚逢鱗情非虎牧豚愛人惟潔己不敢玷恩門

曾戒爲能吏兼從學古文身非衣鉢寄名自齒牙分夢

繞三珠樹謂諸郎君心飛五朵雲濮州鐘可叩應遣嶺南聞

奉寄座主錢辛楣先生四首

風雪都門別車船絕域來到官年已換長路首頻回王  
化諸蠻靖儒迂小吏猜青山環縣郭微抱頗能開

水蠱防朝食爰書奪夜眠經時對涇雨九月尙炎天跡  
與徒隸近世無文字緣上官須善事三復贈行篇

尺一天上至淚流難自禁平生感恩館努力守官箴問  
俗笏竹徑講書榕樹陰寧人譏政拙未敢負初心

萬里充筐篚端州石室碑先生所嗜好貧宦力能爲史  
局兼歐宋經筵匯孔姬無由窺述作夜夜夢皋比

送主考陸公回京二首

攬轡駛陸賈城經時大府有逢迎全騰海上衣冠氣  
徧識南方草木名七十二人添著錄八千餘里紀行程  
風流兼有歐陽癖鐵塔遺文手拓成

九月南天氣未涼越王臺畔日常羊酒從嶺表逢真一  
詩與潮州競短長已過笏城供荔子何須蒲澗采松肪  
千林落落璇樞色記取橙柑到口香

衙齋

榕樹陰中罷早衙衙齋閒寂似山家經年屋角垂蕉子  
十月塘坳放麥花每酌烏醪思紫露且參玉版當黃芽

翻憐鄉里冬來苦觸手冰棱撲面沙

塔腳白菜

端州謁太府乃與冬菘俱種自安肅來畦闢城東鄂塔  
腳一片地茹啖千家須事怪理難解別植味則殊當其  
初種時泉土誰爲區千錢三百斤頓頓剗其腴匪曰咬  
菜根發性同醍醐時方盛柑橘又值上嘉魚豪貴競擊  
鮮野雞山鷄鵠老饕姑舍是食菘飽有餘潔質爭玉版  
微筋類明珠嫩黃鵠破殼新脆牛煎酥始知鄉味好諳  
物中爲奴遷地弗能良猶可壓南蔬

趙寧菴惠嘉魚

嘉魚德慶產網致自高要郵送徧同官歲費如千鈔我  
來端州城盤飧惟藜藿感君能饋生勝於折柬召在益  
口猶驗離水尾尙掉事異子產畜力省莊周釣亟下中  
廚飭烹作八珍犒細膩玉截肪側長刀脫鞘鱠鱠雅俗  
別鮆鱠抄撮較豈有多刺嫌且免啖茹誚蔬惟塔腳菘  
飯是南海耗得此成三絕俊味冠嶺嶠我稽留都賦丙  
穴有專號腴美將毋同乃出牂牁徼旣爲果腹資文獲  
吟詩料忽憶南有篇烝然歌臯臯

迎春二首

春光未去又須迎，百戲喧聞一里城。  
城北山光燒後綠，城南水色雨餘清。

東皇隨我向官衙，一路濃陰鳥語譁。  
梅李山桃開已盡，春風惟放木棉花。

辛卯元旦

嵩呼九拜曉陽高，爆竹聲中試紫毫。  
稷下親朋勞望眼，嶺南霜雪在顛毛。  
飛鳴無復驚人鳥，俯仰翻爲掣水槔。  
暫皮銅章度佳節，滿城山翠泛香醪。

陽江縣

一夜那龍水春風送客船南恩舊城郭強半在洲汀燒  
後千山綠潮來滿市腥前時有良吏伏臘尙遲鉗前令孫道

宣有

祠

洋邊

生長北海官南海未知海是何容顏鞠獄陽江迫驅使  
惱惱初上洋邊船預想天吳出青嶼龍宮貝闕相掀翻  
倚楫瞪眎無所得乃知海隔層層山童子煎茶取勺水  
鹹不可飲脣舌乾徒嘗其味昧其貌吾與海若緣何慳

去年走謁波羅廟曾窮目力黃木灣重峯疊嶂通蜃氣  
浴日亭外惟雲烟但見海舶不見海摩抄銅鼓嗟空還  
自分雕蟲本小技溟渤大物難搏阮見之手無元虛筆  
不如不見猶可原黃河結冰度雙轂揚子江水高連天

昔過不能道一字其於祝融何恨焉右肱支枕睡不穩

滔滔汨汨孤蓬閒挂席須臾九十里郵豎雞犬紛眼前

織簣

織簣邨邊趁晚潮孤蓬風雨鎮瀟瀟隔年竹蔗重抽葉  
正月池魚已下苗海氣混茫驚短夢山程慘轉又明朝

春光如此嗟行役坐惜宋顏暗裏銷

蛇邨

微雨新州道  
邨行興不孤  
山如紅瑪瑙  
草是碧珊瑚  
竹簾高低接  
沙禽下上呼  
前頭錦川口  
霑濕一登艤

三水道中

于役殊不惡  
人將春共來  
連山送蒼翠  
傍水忽樓臺  
驟雨紅綿落  
微香紫楝開  
詩成短篷底  
不爲片雲催

郡館示季弟

南服濕且燠  
舉家生瘡瘍  
惟汝尤屢發  
膚色漸萎黃  
隨

我看星巖意興頗飛揚頓生跨馬癮痛楚長在牀醫者不可恃所恃賦稟強我日趨大府早食到三商歸爲理湯藥中夜情悲傷不寐憶家事暫夢繁故鄉我體素健者卒苦成秕糠痔漏久不平解血流蜂房已知元氣洩豈宜戀銅章吾家好天氣桃李烘晴光竹西屋三閒萬卷尙畱藏仲氏應南望念此千迴腸

黃岡邨

巖下邨居好江邊物色饒夕陽明峽口春雨沒林腰琢研霏雲屑又魚踏海潮回頭看北斗茅屋在魁杓

獵戶獻虎皮

夜來張弩向山岺。朝送皋比到縣門。  
灌莽從知編戶少，嘯風想見負嵎尊。  
臨官誰佩脣旁骨，遺患應看耳上痕。  
忽憶授經會坐處，坐知三載隔寒溫。

獵戶再獻虎皮書二十韻示之

山縣林寄盡宿莽鬱深谷。色獸不來游。  
猛虎時竄伏，或以藥箭得獻皮。  
食其肉，黃金買死馬。費我三月祿，重賞  
有勇夫。  
相報何太速，數人肩白額。  
眈眈見雙目，斑奴墮訟庭。  
爻采耀厯錄，蔥無嘯風力。  
觀者猶頸縮，搏非恃徒。

手巧不亡一鏹廖秦術未墜張鬼害俱逐竚竚花邊錢  
償之應滿掬傳聞古良吏惡類莫能毒化后與渡河往  
往書史牘我來無惠政日不廢鞭朴一春虎再見得母  
內多欲堂皇坐戾蟲假威徧驕僕胥吏亦貔貅百姓中  
豚鷺對此頻自訟慄慄戰心曲人首而人身鮮衣處華  
屋無望君子變願聞婦人哭

羚羊峽

十過羚羊峽羚羊不可求峽風颯以至烟雨滿端州嶺  
海重闊啟黔滇萬里流七星當北郭日夜與沈浮

靈洲山

縹渺小蓬邱  
僂風五月秋  
登臨當落日  
金碧在中流  
芝草三山夢  
雲帆萬里愁  
炎方憑騁目  
更欲訪羅浮

抵任新安

暫綰新安印  
東官更向東  
安衙山色裏  
爲市海潮中  
地瘠憑膏雨  
房低畏颶風  
秋來魚信少  
甚念此邦窮

家人至自恩平

扁舟已渡海八口  
忽移家到岸  
吏人接入门兒女  
譁手持新會扇  
筍蓄古勞茶  
都是恩州物  
清名敢自誇

曹胡兩主考用東坡監試呈諸試官韻賦詩屬和

三十竊科第四十叨俸廩折腰向嶠外選輶易孤稟簿  
領官竅枯昏昏且再稔琴異單父鼓酒斷陶令飲竟復  
理文裁倒懸無墨瀋去秋事分校一月費甄品稍喜文  
字緣時過歎苒荏今年得再預珠目彌難審我聞康熙  
末粵士敝已甚班駁售雁鼎雕績銜假錦惠公富經義  
菽粟絕沙礪良藥起沈疴長手扶蹕踰典籍飮講席春  
融破冬凜鳳來鳥共朝龍去鮪方渝六經爲庖厨乃變  
樽桑椹多生抱枵腹丘儒誰接祚興學溯文翁增折望

高眠二星雖暫至此事欲與諗驪黃非皮相酸鹹貴調  
餌模索皆何剉吞吐或任沈文章出孔牆禮樂入周寢  
八股証小技四海轉鏤鋟大雅輸可迺俗吏口應襟努  
力助決擇深宵未就枕

送四弟文瀋歸里

行矣風波險傷哉弟妹貧附書惟有淚獻歲已無親雪  
簪家山近鳥翻宰樹春西堂足殘帙料理待歸人

壬辰正月二日舟中作

六渡合蓮海天涯歲又新烟花增馬齒墟市近鮫人夙

垢仍書蠹多愁負酒鱗孤航困奔走令節似蕭辰

潮陽集卷第一

開船二首

羊城兩月雨如麻逐隊衝泥謁大牙自悔開船遲十日  
江邊落盡木棉花

此去潮陽路幾千圖書律例不盈船瞢騰又過清明節  
最憶全家上冢年

望羅浮

四百餘峯列碧空僊衣處處舞東風孤帆三日惠州路  
都在羅浮山色中

陂溝郵

日落人未駐羣山開晚晴稻塍連草滑松樹與烟平三  
月飛螢火前郵隔犬聲投棲聽崖澑不寐又詩成

到潮陽任五首

人稱舊尹名藉甚我是書生迂可憐父老無須迎道左  
先求收拾滿懷甄

人家北郭連南郭蟹艇前溪接後溪黛染東山似屏障  
縣樓恰在夕陽西

嶺南無署不榕陰縣古堂高樹亦深堂背枝巢白鷁

天教俗吏伴僊禽

誓文仍是舊頭銜拜罷城隍易葛衫聞道顛師舊居在  
看碑徑上關牛巖

莘畦燒堦少甘泉潮水成鹽不用煎曬戶要晴農要雨  
作天莫作海濱天

韓文公廟

何事歎南食千秋薦苾芬辭朝佛骨表爲郡鱸魚文枯  
木仍畱姓穹碑與紀勳通經憐趙德生死附青雲

拜顛師像

祇爲韓夫子低頭拜大顛留衣至今著書簡已荒烟儀  
觀區生最爲師趙德賢海陬無與語三子竟能傳

自海陽赴大埔舟中作三首

河水屈曲來舟行常面山轉處忽不覺依然山圍環折  
多水彌滔石鱗露急湍頗似章江中一舟十夫牽有客  
能緩行愛此山清妍松毛鋪絕壁蕉竹相沿緣山鳥鳴  
一聲山月出娟娟漁歌答牧唱遙指烟樹閒

棉陽忽兩月訟牒闕門至下鄉檢屍骨數入鮑魚肆鞠  
獄深夜分廢餐且罷睡不才奮欲理車轍螳螂臂秉燈

把判筆日畫百行字書籠皮西齋無由手啟視心血耗  
恐涸領底增雪剝太守有差遣暫脫坐堂累六蓬三日  
程布帆趁涼吹旣釋案牘繁兼領山水媚此樂得何從  
再拜太守賜

鳴鑼朱坑汛遇有下水舟未見先辨聲季弟呼相求經  
春盼爾來爾來釋我愁乃述去年旱麥稷俱無秋仲氏  
難指柱賣盡郭東疇寡妹亦菜色紡織不自謀聞之心  
慘怛空爲萬里遊官私兩迫逼不如歸林邱

蓮花峯觀海

一上蓮花頂長風埽碧嵐波濤翻日夜天地極東南似  
葉洋艘至爲樓蜃氣酣駒生我同里瀛海竟須談

病

吾病緣何作三年困齷炎折腰仍墨綬拭吻已霜鬚簿  
領何曾了詩書久未拈昨逢善醫者教我讀楞嚴

示顏德潤邦彩兄弟

連平兩顏生負笈來潮陽大顏詩入格小顏能文章風  
貌出稠衆威儀雙鳳凰溫謹如處子言笑恆周防各請  
受一經我意殊皇皇平生學篆刻猶鄙無官商未及伏

鄭門焉登孔孟堂君家方伯公昔漕山東糧招我坐與  
比三載董子鄉生徒晞青紫時藝求津梁辛苦講毛詩  
名物終茫茫今且困訟牘朝食夕不遑作札報故人舉  
筆忘偏傍此邦鄭進士安道實出朱公筠<sub>學士</sub>房頗能讀三  
禮學粹而行莊自延入書院著錄盈門牆途汝從之遊  
吾道其可昌

西湖山尋后刻

潮州城北路金薤滿巖阿本作千秋計其如易泐何龜  
螭經火斷狗馬紀年訛誰似韓夫子江山與不磨

送趙生希璜

門才惟爾最翩翩畫冊詩筒載滿船人道西家好容色  
土城辛苦已三年

夜發

宵行遲秋熱纖月在林顛鄰犬吠人影草蟲鳴豆田酒  
消風有力家杳夢無緣合眼瞢騰裏雲門何處邊

鄧謙持書至

一年強半在炎蒸簿領如山困不勝作吏重貪新墨綬  
著書已負舊青燈清風朗月思元度渭樹江雲感少陵

萬里開緘見顏色塵中忽對玉壺冰

鴨子湖

夜宿鵝兒埠朝餐鴨子湖蟹丁供野饌馬甲逐行廝過  
眼山俱好開懷興不孤飽餘僧共話敎我半跏趺

寄懷畢子長二首

此地足紅豆相思偏到君無靈乞米帖喪氣送窮文稷  
下推吾鄒天南感離羣因之問狂弟一日幾回醺謂子  
上

猶記小時事聯吟曹氏亭水光爭樹綠子山氣入雲青

句點筆登花檻呼拳倒酒瓶舊遊如隔世兩地鬢星星

平山登舟作

八日陸行苦呻吟襍駒哄我歎髀肉生興夫告腳痛平  
山山盡處輕舟忽相送倦鳥欣入巢勞雲乍歸洞靜匪  
車閒關疾於馬磬控啟蓬涼風隨攤衾明月共把書不  
成讀氣甚已入夢不知夜深淺帆駛動無動耳清水聲  
細神曠天宇空人語沸惠州朝曦透板縫

簡張潯柏乞白菜

偶作羊城趨冒熱事造請鞫獄稽回棹孤館氣漸冷盡  
日謀貪餐南食非所省祕篋蓄潮麪餌飪閒湯餅啖肉

防生琰茹魚畏中鯁忽然思菜根昔遊曾耿耿塔腳青  
連園霜時黃接町小摘清而腴大嚼淡彌永君已移番  
禹去此在俄頃載菘雖滿舟不與端硯等我本藜莧腸  
希入甘蔗境何日渡高峽饑極方延頸

陪侍德大中丞祭南海廟四首

南畝農功畢東郊祀事修孟冬涓吉日四瀆視諸侯祕  
怪鷺朱幡靈風引絳騶乾坤最軒豁盥沐宿蓬邱  
闕殿香烟綠長廊蠟炬紅祠官陳玉冊節使到珠宮百  
粵戈船靖重洋象譯通非徒神次貴邇豆報豐功

興俯無失節酒香牲亦肥林飄荅鑣吹山翠襲朝衣旣  
灌如神在終歌飲福歸頌聲徧龍戶颺母久收威  
名躅煩幽討中丞最好文翠碑唐刺史銅鼓漢將軍亭  
見中宵日山連外國雲題詩繼和仲奇勝與平分

嶺南三子詩示胡生亦常

合浦珠去蚌亦死川海精華有馮子十歲文驚翁學士  
飯者萬人此得髓雲閒陸郎亦知己天驥之詩無比軌  
浮沈人海三年矣二張詞賦光羲羲南海珊瑚交枝柯  
紅豆遺學誰揚波獨抱說文讎舛譌大張其如粵士何

我得胡生如片玉淹博兼作荒年穀北上未遂登天祿  
買書滿船手徧觸投交卦戴掘經腹二曉先生竝推轂  
歸來向我吞聲哭病甚形容到槁木勸爾且爲天下谷  
靜攝勝於啖棲獨閑丘吟研老亦足

生日三首

草木爲年四十三廄儒落落滯天南溪山風月隨雙履  
律例經書共一龕誰放鴿飛如白雪自沾蠻釀泛黃柑  
力除五瘴尋安樂不向人間問菊潭

百年涕淚蓼莪情諸弟那堪判死生素食頻貪南海耗

獻嘲常媿北山英忙中簿領昏昏了俗下文章草草成  
循吏儒林兩無分霜華滿把對證明

周抑齋惠香橙

新會橙子熟衙舍堆黃團選以充歲貢餘者餉上官我  
來適逢時厥包切分頒風義重同閭許我喜食酸真雁  
未口嘗先認臍閒闊証忍操刀割美液露指端潤渴解  
宿醒醒因省晝眠邇袖中爲奴香荔萼弟閒連擘十餘  
顆俊味清脾肝我潮輕搗籍海族紛登盤鰻魚馬甲柱  
一枚纔至錢炎地易腐臭莫由汎重灘惟有惠來麴鬆

白霜雪妍湯餅與蒸饅北方未能先木瓜如圖報爲君  
致一船

我憶恩平縣十首

我憶恩平縣深山斗大城字人本無衙潔已爲虛聲朱  
帖稀呼喚籃輿有送迎年餘成錄錄回首赧顏生

我憶恩平縣偏隅見古風海潮不到處山色亂攢中種  
秫追彭澤栽莎似武功吟箋日幾幅襍置簿書叢

我憶恩平縣高畠稅最微刀耕山欲破車灌水能飛行  
處農歌好衙時訟牒稀一尊烏米酒斟酌到斜暉

我憶恩平縣清貧與性宜秋衣尙蕉葛午飯且蹲鷗息  
物曾觀劇酬人止有詩養廉三十鎰盡室擁高貲

我憶恩平縣四時開佛桑雨中隨手活庭際其人長碧  
葉侵書幌紅蕤壓印牀兒童信攀折未敢擬甘棠

我憶恩平縣郭東弦誦聲儲書自前令獻蓀徧諸生金  
紫姑相勸丹黃子細評經師感紅豆誰繼大鐘鳴

我憶恩平縣論文別有堂故人千里至

謂羅臺山述作滿巾

箱注史參臣贊傳經自后蒼到今存敝帚旦旦發光芒

我憶恩平縣山游似夙緣停舟看石筍策馬訪湯泉聽

詠桄榔下行香笏竹邊前林遇佳賓簇簇絳襦僕

我憶恩平縣依然巡檢司城門低首過早隸幾人隨野市堆龍眼山家曬虎皮荒涼是淳朴事事費相思

我憶恩平縣羊城一水通春山隨短櫂夜雨在孤篷葵

葉江明綠棉花石壁紅

江門新會地  
石壁順德地

苦吟貧小駐多謝

打頭風

簡金式似乞橘子

四會產佳橘士人呼曰柑金君木奴主所部皆蘇耽熟時日大嚼納直徒空談既不充歲貢厥包非所諳販賣

走四方艇裝復肩擔我昔曾剖食十指香醃醃味亞新  
會橙少酸而多甘可以解煩渴且能祛老痰氣與風露  
俱色貴紅黃參形貌偏柚弟品格朱荔男別此忽一載  
羊城重停驂饑涎不自制乞寄雙藤籃蚌珠還合浦沈  
香來崖儋價昂或難致強索爲貪婪此物雖與取非惠  
亦非貪兼要和我詩韻事傳嶺南

黃果灑

今朝黃果灑明日白雲塘一帶林巒好沿塗橘柚香門  
丞仍故態儻母見殊方爆竹應多買攜歸付宅郎

回縣之明日卽除夕矣二首

吏事加墳委年華  
擲道塗去當飄桂子歸及換桃符容  
鬢忙中白詩腸  
病後枯宅郎能拜跪看爾飲屠蘇  
仕學參疑信官民  
較瘠肥爆聲喧小郭  
燈火微重扉詩待  
舟中補家應枕上歸  
年年思弟妹有淚不同揮

癸巳元日二首

年年元日一題詩  
傳舍三遷徧天涯爲政艱難憶鄉苦

春風吹雪上吟髭

東山長在文牆邊  
晚帶斜陽曉帶烟  
山是主人予是客

開門相見又今年

初二日題郡館壁用東坡定惠院寓居月夜偶出

韻

羊城奔走四閱月逼除歸來甫兩夜元日倣裝登海舶  
翻趁椒盤韓山下排闥烟鬟青欲滴繞郭練江白如瀉  
晴光木棉乞烘染雨力竹枝仍偃亞賽神簫鼓晚彌集  
無錢風月天爲借攬鏡看鬚減豪快僂指算歲感衰謝  
一憶故園一萬里三度新春三傳舍世人寧遂棄苦李  
佳境無由啖甘蔗印陋暫鍵官偶閒吟筆如鎰兒休怕

被酒狂歌結習耳沈璧從遭地主罵

勸農十二首

知時好雨徧邨莊無孔珍珠用斛量布穀催畊耕不及  
先持蹄酒謝城隍

田家風味鎮相親北稷南秔總苦辛阡陌巡行吾不厭  
三年前是把犁人

樸簌山坡萬木奴蚶田潮退盡膏腴兒童下海翁栽樹  
別有幽風七月圖

終身穢穢爲農忙對簿何從到縣堂早向田間除異物

紙牌鴉片蟹家娘

蚜蚋蚱蜢嶺南無三熟何煩酒一盃預爲稈根殺蟲賊  
田塍多種淡巴菰

沃野何嘗盡種秔蹲鴟出土大千器官廚錯認屠羊肆  
爲喫東坡玉糁羹

番薯可粥可乾餠金浦梅花二柳名各有秋我是齊儉惟

啖餅今年小麥幾分收

歲歲相因是蔗田靈山西下赤寮邊到冬裝向蘇州賣  
定有冰錫一百船

飛鴉銜尾上崔嵬車屨刀鋗巧插栽我願青山巒螺殼  
肥田任爾盡燒灰

三農山澤連平地畔牧漁樵本可兼莫作曬丁輕犯法  
一家老少賣私鹽

三月開徵十月完追呼雞犬也難安山東諺語牢須記  
早納錢糧不怕官

墓有碑題田有畔觸蠻爭鬪欲何如請收刀劍驅黃犢  
容我西齋理舊書

勸農至南塘邨示諸父老二首

大小南塘邨城南尺有咫編戶非一稀裏足縣門裏打衙受訟牒一日百餘紙獨無茲邨人到茲劇歡喜父老拜我前語質有至理衣食各營營欲訟無暇耳舟人結網罟農者辦耒耜曬丁耙齒畦皆以盡日晷亟爲題綽楔咄咄無訟里

訟寡亦有由千室無青衿增我長歎息錮習亦已深植土本儲用弄筆如戈鐸愚者墮其術犯律就繩禽爭少而亡多甘磬囊中金何如此邨氓畔山漁海濱老死未見官兒孫森成林童弁不識字謹撲無機心雖少上國

彥已絕桑閒淫俗美如醇酒莫使成孤斟

自徑門至達濠

翠微三面一門孤巧爲低城作外郛怪石夾林蹲虎豹  
亂泉穿徑奏笙竽巾車課種經田畔戰手看山到海隅  
鄉校多生能請業胷中奇字尙存無

西齋

數弓地有僊凡別少步人將吏隱兼久被簿書纏杜甫  
暫教花柳見陶潛雲扶山色晴排闥鳳筭潮聲夜拍簷  
咫尺西齋稀坐臥行厨虛設萬牙籤

葵潭夜發

偶以趨程早翻成避熱緣葛衣霑霧重竹轎受風偏巖  
屋留明月松濤閒暗泉夢中頃得句適意不須傳

桂竹園

桂竹園何在郵亭一解顏微茫揭陽樹磊落普寧山日  
晚幽禽集春深野老閒獨憐官歲月虛擲馬蹄閒

哭胡生亦常二首

聞道胡生死東南歎喪朋何人寄衣鉢衆匠失鉤繩才  
氣山川竭詩名造物憎玉樓雖萬丈也到最高層

二曉文章伯羣才赴大鈞天南遺書札傾倒在斯人其  
道崑生璧誰知海變塵高年敬姜在晝夜哭江濱

桑田邨

荒邨無稼穡編戶爾何堪沙觜惟栽橘潮頭盡種蚶雲  
山互明滅天水倒青藍一稅桑田駕吾將結草菴

海陽道中

烏羊山下路襆被幾經過壓樹連宵雨交塍四月禾日  
沈漁父舍風引瑟嬾歌近郭涎難制僊衣簇絳羅

夜

十日滯江城身閒夜氣清院風榕子落窗雨竹孫生斷  
酒愁難遣思家夢易成何人授方法竟爲絕三彭

舟夜

搖櫓不能寐其如良夜何蛙聲疑柝急漁火與星多影  
暗千章樹風香十里荷殊嫌前日路泥淖帶長坡

題田家水閣

小閣臨流水高窗納疊岑我行炎日裏過此一憑襟白  
鳥起田畔黃牛眠竹陰拳拳語農父看爾插秧鍼

新聞二首

新聞周邵戴應詔入京華博學推諸子奇書見幾家右文今代最錄副異時誇永樂留珍籍淘金在剔沙

亦有儲書癖粗知正字難因君上天祿清夢滿長安墨綬成雞肋金闈付馬肝行廚足墳史五載不曾看

贈紀二郎君

絕徼緣何到雙親正倚闌徒行萬里路恐廢十年書浪拍迎風棹塵黏著雨車何如歸予舍文史足三餘

九日憩登岡郵

何處尋秋色畦蒼蓋野黃家山八千里客路四重陽身

似寒天雁鬚添燠地霜郵書問三徑松菊恐全荒

周書昌被 詔分校四庫全書特授館職

數行 御札下形墀檢點巾箱北上時幾輩同登麟趾  
殿明年許到鳳凰池出山道爲詩書重拜爵名教婦孺  
知我亦歸班前進士甘迷簿領向南陲

上紀曉嵐先生二首

不奉巾綦十載餘知音未報鬢毛疎受衣去後翻多難  
作吏前時已廢書丹藥甘輸餬鼎大銅章竟似上竿魚  
同門袞袞多才彥盡被提攜到石渠

四庫全書管領新揚雄劉向是前身充庭縹帙方州貢  
脫手丹鉛內府珍仗節頻爲乘傳使宣麻正用讀書人  
何年問字承明直一坐前堂浩蕩春

生日

僕僕塵塗又一年駑駘戀棧不勝鞭鬢毛獨覺經霜早  
筋力何如過嶺前兒女惟添新債負詩書已斷舊因緣  
濟南名士同庚戌謂周書昌昨被溫綸上木天

山步

普寧

有地名山步松篁藹四圍漸寒橙子熟宿雨麥苗肥客

至宵開甕詩成月照扉  
鄰居曾樂此萬里夢依稀

十月

我行山水際十月踏晴沙嫩綠甘諸葉深紅扁豆花嚴  
寒憶鄉里晴煖感天涯弟姪圍鑪火應烹雪水茶

題家書後示平仲

客夢迢迢繞故巖家書數數寄空函我今焦急蠅鑽紙  
爾素疎狂馬脫銜勒北腴田何日贖廳南瘦竹莫輕芟  
一經教子遙相賀聞衲子四歲能讀毛詩盡把殘編付阿咸

六如亭三首

吟時奉研醉時扶二十三年事大蘇生長錢唐莫相憶  
蠻鄉猶得葬西湖

長對浮圖在天涯孤墳無樹著寒鴉瀨危解誦金剛偈  
一代達人王子霞

已脫杭州舊舞裙姜龐石建共辛勤松風亭下荒涼甚  
惟有梅花配細君

潮陽集卷第二

甲午正月赴郡

緣林渡海一徑通  
郡城來往往何惄惄  
八千餘里爲下走  
四十五年成老翁  
榆莢風狂錢墮地  
木棉春爛火燒空  
小詩合命輿航集  
得向山郵水驛中

送人歸里

半載炎州語帶蠻迢迢  
歸路足溪山送行酒薄難爲醉  
畱別詩成未忍刪  
已信肉芝無覓處  
應甘社櫟不材閒  
雲門道士如相問  
青草黃茅解駐顏

菴埠

一半爲漁一半耕  
萬家聚落隔空明  
瘴雲勢與蠻山立  
蠻鳥啼如蟹女聲  
草色黏天春燒沒  
水紋搖樹晚潮生  
居然小李將軍畫  
落照中閒挂席行

宿慈雲寺

渡口已昏黑  
沿溪石徑賒  
星星漁舍火閣閣  
水田蛙雨沒遙邨  
樹風香何處  
花僧寮且投  
宿城上鼓三撾

寄周書昌

白日昇天信有諸  
承明述作陋蟲魚  
奇書是寶歸甄品

錯字如塵費埽除向朗八齡收古籍申公千里上安車

同鄉尙有梁邱賀

謂梁  
志南

老抱遺經歎索居

夜發

觸熱走長道方眠宵又興鳥棲千樹靜樵唱萬山鷹白  
識前郵路紅窓古寺鐙般勤半規月送我轉溪棱

季弟文濟同作

南海長爲客乘涼快夜征熒熒樵屋火軋軋水車聲  
樹與天同淨雲將月倒行田家睡方熟回首憶柴荆

歸善道中

頻上詰曲路惟逢樵采人濃雲萬山帽細雨我車巾園  
蔗青浹歲水葵紅殿春前頭有舟楫穩臥在明晨

合江樓

朱樓城上鬱嵯峨異代登臨興若何野吏亭空同落日  
棲禪院近感凌波地形章貢雙流似雲氣蓬萊左股多  
無數川巖開紫翠到今處處有東坡

赭桐花

三月惠州路赭桐花正然孤生僧舍外四照女牆邊客  
眼驚櫻火天心續木棉朝雲墳草綠春去又今年

抵廣州

僕石停江棹春風換越綸未知行路苦都與看山期稅  
屋鄰書肆充廚足荔枝大馮君在否過我一論詩

惠定宇九經古義刻成寄示周書昌二十韻

紛綸數經義吳下見纈門紅豆無凡子青箱有肖孫心  
窮周易奧力破夏書渾僞傳成蠶粉多文抉本根堯年  
誰與語魯殿巋然存亥豕因形識蟲魚視掌論積塵憑  
卻埽疑獄仗平反許慎勳同策丁鴻義最繁授徒開絳  
帳仰屋謝朱軒鐘鼓宣洪響鍼砭到病源直回秦室火

終食孔庭膳世悟唐儒陋人推漢學尊前身應左史接  
武或東原翠軸勞郵寄花廳快手翻鬢緣聽訟白眼刊  
勦書皆鋟版從蠻徼傳家異兔園諸生得津筏絕業在  
乾坤聖詔求遺籍神州貢幾幡千官品庖饌四庫盡  
瑤琨此帙寧磨滅頑君獻九闈

雨二首

羊城三日雨黏足盡莓苔屋角桐生乳籬根竹有胎排  
愁書好友引夢酒良媒大府停趨走駒兒亦快哉  
潮陽方苦旱時已逼常雩斛水人相競瞻覽眼欲枯連

宵聽不絕千里想無殊故事循韓子歸應賽大湖

偶成二首

布政堂中看鐵柱雙門樓上拓銅壺西城更訪訶林釋手展唐朝伏虎圖

騎馬西郊候上官勸農兼得好林巒田閒一夜珠江雨都作僊禾五色看

望羅浮二首

驟雨忽開霽輕雲不遮山羅浮四百峯奔赴船窗間略似渡汶水仰見天孫顏天孫正襟坐此乃低鴉鬟色辨

樹荔鬱聲聞泉崕潺重疊一氣青中有列巒班我欲訪丹竈飭鼎咽九還身騎大蝴蝶翱翔排天闕所恐守閻人笑我骨相孱抑之不得上墮落仍塵寰

蕭銘與高頌華藻潤疇曩後來白鶴僊日日載筆往磨刻滿山骨呵護神所掌人跡既稀至法物委榛莽愛古翁學士遇碑技能癢十過茲山麓未試遊山杖著錄竟多遺摩挲空夢想國家盛右文金薤懶宸賞方續夾漈志宣取及交廣石室二李踏訶林千佛像椎拓貢史局勝珠玉犀象此山富翠墨珊瑚應入網我生有癖

好惜非所治壞致聲博羅尹幽巖試親上文字五輩事  
莫遂困塵鞅

白鶴峯四首

瓣香獨向古城隅德有鄰堂手埽除白鶴何時歸舊郭  
青山千載號新居井畱雪乳冰湍在池是研朱點墨餘  
太息趨庭學詩者斜川一帙竟何如

幾回談笑過西鄰數畝爲園浩蕩春枸杞人侵移小圃  
橘花荔子出重闈求方釀酒招吳陸破戒題詩與惠循  
喜劇諸孫來萬里垂髫恰見夢中人

洞潭崎岸認詩痕  
冷淡依然白板門  
有弟遙傳詩帙到  
抔土西湖經宿草  
寒鴉啼處晚烟昏

謫僊合得住蓬萊  
四百峯邊紫翠開  
時政何人居鼎鼐  
殊方隨地有樓臺  
力營茶圃春將老  
睡美藤牀禍又胎  
被命無端渡瓊海  
乘潮夢裏幾回來

季弟同作

小築蓬萊股遺風  
紹聖身種茶圖一啜  
行菜過三春  
白鶴無歸日  
青山屬逐臣  
至今翟夫子俎豆尙西鄰

歸善道中

已作奔風馬難爲息影禽長塗忽寒燠一日幾晴陰水  
漲衣開帶山平髻脫簪藤輿發新興隨處是登臨

草菴

鴨子湖邊路人稀靜不噉泉衝山骨見雨壓樹頭交酒  
琰官中瘴茶鎗方外庖招提坐將晚清磬一聲敲

水蕉花

我渡鳳河乘早潮航頭照眼開水蕉碧葉相當箭盈尺  
白英競立冰霜標六出纖長玉旖旎七鬚殷紫烟飄飄

就中蓓蕾尤美絕瓊簪圓銳頭可搔到粵已識蕉多種  
成林成樹森江皋實大於拳午充饌皮漚爲布秋裁袍  
小者綴階植盆盎色如猩血形雞翹世人好色本天性  
奉以嘉名同阿嬌誰意冷妝傲豔質清風皓月培靈苗  
生宜半淡半鹹水若非海港安得遭晨榮夕落過炎夏  
芝田三秀埋蓬蒿我見願結素心友奮筆長句真編苕  
歸補南方草木狀忍令蘭茝專離騷

惠來道中大雨

一日十回雨濃雲滿山坳一里十回渡平地翻濁濤竹

轎濕彌重驕子紛號呶赤腳踏亂石流駛將及腰羣命  
懸須臾所恐腳不牢肩輿成刺船手棹如撐篙滂沱雨  
且至狂風吹欲漂儻從先後失一渡一相招試問輿中  
人奔走何太勞何不返巖扉坐聽聲瀟瀟亦有牧牛兒  
蓑笠蹲林皋見蓑不見人長嘯千汎寥

西湖山次吳觀察韻

曾持繡斧斲長鯨登眺仍深攬轡情雲擁海濤迎仗節  
風吹林翠落揚觥水邨夾路榕生子野寺行廚藕有兄  
不是使君多逸興青山誰復剪榛荆

觀察方公招遊廨西池亭三首

炎天有涼地深曠傍轅門徑曲生苔髮橋斜接樹根平  
臺亂山色高閣夕陽痕疊石爲巖洞蓬萊一股存

十畝栽荷芰風雨雨邊牆西通蓄洩葉北最淪漣草  
細羣鳧唼沙明一鷺拳新亭逼池上書畫米家船

春課分魚婢秋懷問橘官女牆平棐几孫竹溢雕闌風  
自披襟得山宜拄笏看何曾知瘴癘六月劇清寒

長尾橋

長尾橋邊路三年始一經分頭流水響四面亂山青鮑

莽粗成市風烟好築亭回看艤舟處昨夜雨冥冥

泛海

官中恩恩無定居奔命梭織百里餘大舶高桅犯巨浪  
疾於四馬雙輪車碧山紅嶼紛識面敲橫向背隨時殊  
從行蟹艇不相管片帆一任風卷舒天邪海邪渾一色  
直排雲霧凌空虛翻恨蛟螭潛在底不教北客看牙鬚  
金銀宮闕望何許雙手欲弄明珠初渡失驚久且慣  
漂泊圓窓如老漁人閒何業非吾與世上何險非坦塗  
何不乘潮歸敝廬帝儻送予忽迎予膠萊淺港通須臾

畊猶有田讀有書出門得得騎烏驢

寄鄧謙持

萬里身猶在三年政未成功名付西笑風上習南烹舊雨憐誰憶新詩仗爾評周墀直經局謂書昌稽古有餘榮

喜雨

一夜涼雨生海陰蓑裝戛戛聲滿林証爲千家濯毒熱已將萬畝鋪黃金四月五月旱既甚早禾枯萎民呻吟大湖神睡乖龍伏守吏步禱無鑒欵七場大使最意滿立看鹽積高如岑六月得雨甫盈尺水車軋軋秧插鍼

酷炙及今將槁矣天公忽賜三日霖予小未學農與圃  
占晴課雨非所任海堧作吏愁轉劇登臺望氣覘祥祲  
山坡蕷芋少泉灌珠玉砾此牛蹄涔鹹潮入堰爭堵禦  
揮鋤格殺仇相尋一雨連塍盡淡水三農靜帖無機心  
天意好生更憐我暫教安坐彈鳴琴

秋風

颯然炎微亦秋風北芻南艤寄思同看罷飛鳶惟憶弟  
出憐小草已成翁淚如海水宵偏漲鬢是林霜曉未融  
兒女呶呶作蠻語不應老死簿書叢

送姪孫永年歸里

爾思父母辭吾去瀨發姑傾酒一螺  
船及艤時山始定夜無寐處雨偏多  
身跳青草黃茅外路柰吳頭楚尾何  
到日家人如有問吾衰醉後尙能歌

夜行

數點漁燈夜悄然竹輿行趁乍涼天  
何如田舍千金子酌罷新醪抱婦眠

九月八日

九月八日海上歸六憶堂前烟雨霏  
絕徼賓朋偶然集

中年絲竹向來稀紅燈白墮夜可卜田蛤江鱠秋正肥  
重九思家明日事諸公不許淚沾衣

九日遊東山示諸幕客及季弟文瀆兼寄仲弟文

濤三首

高徑紆游步青山是異鄉巡杯當落日脫帽作重陽久  
客如花瘦依人到老忙諸君足知己吾欲束歸裝

小弟仍殊域秋聲忽戛然仰天愁浩浩背我淚涓涓瘴  
菊開何日家書到隔年祇應逐蠻俗郭外放風鳶

浮雲何處是中原九日登高望眼昏炎海熬波霜有色

瘴天隔嶺雁無痕五年安否憑書札兩地悲歡落酒尊  
詩到知予尙清興未教簿領斷吟魂

極目

極目山兼海驚秋燠帶涼帆檣圓寥暗橘柚半巖黃槿  
更沙方漑農家稻始芒天如滿人意膏雨雜驕陽

已宿葵潭聞吳亨仲抵陸豐明日當相遇於陂溝

郵先寄以詩

老吳充同考踰月出鎖院於文精權衡所得幾才彥今  
年吾不預殊恨調劇縣亟欲胠君篋讀君賞心卷局落

者數子庚辛予所薦步武頗牢固如師習訓練耿耿胸  
臆間知名未謀面失喜俱著錄得母邀青睞人才本公  
器何必我稱善我從兩月來鞠獄廢夕膳中寒嘔不已  
對燈雙目眩寐少吟藝多晨興鬚髮變根枯枝尙撐柱  
蠹瓦徒繕重以數奔走微命寄一綫何如閱文字輸心  
弄筆研非惟植桃李兼得親經傳君且遷儋州春溫及  
奇甸接躅東坡老惡能不相羨從今我彌孤抱痾遊興  
倦豈無酒食朋頻見如不見同牀而異夢擾擾安足戀  
明日山館中姑與共一饌

海豐夜發

崎嶇百里程一半是宵征雪積燒灰舍烟浮漺蔗棚身  
閒知病劇夢破訝涼生稍稍開吟抱前山片月橫

水剗田

白雲塘外白雲多水剗田邊水沒禾前去平山才十里  
其如山竟不平何

過惠州

夕曛明滅在帆檣山色周遭水森茫白鶴長懷蘇子宅  
丹砂誰受葛僊方地窺梵塔知南北路向郵亭問短長

記得去年江漲處真看雞犬上城牆

寄平仲

廳南一窠竹移栽方十年兄弟共四人婆娑竹影邊丁亥而叔死己丑而我仕攜季來嶺南門戶獨付爾我貧有微祿爾貧難具炊賣盡種麥田尙餘青竹枝季也三求去三畱且三住對我強笑言背我泣如雨爾書萬里來爲竹報平安縱添一千箇祇是爾獨看

送張槐堂歸里

木葉秋不脫江烟晴更濃途君從此去何日定相逢問

道伊洛水著書嵩少峯應憐竝游地尙有不才榕

寄問平仲

春夏復秋冬都來道路中溪山當擾擾筐篋付惄惄客  
淚兼巖狹家書斷海鴻傳聞濟南北螟旱失年豐

興中作

深冬寒不到晴日快行騎坐有看山興閒生覓句愁溪  
聲兼欸乃人語襍鉤輒前去羊蹄嶺支筇當小遊

宿山門田家

片月轉回廊山家似道房穿林停竹轎就石設繩牀風

靜魚蝦賤天寒橘柚香忽來三兩叟試與話農桑

冬至澄海道中

九九誰能數長隄值晚晴經年蠻樹綠至日瘴花明呼  
友圍爐飲看山踏雪行家園寒亦好回憶最懷情

潮陽集卷第三

乙未正月二日郡南作

寄身卑濕地歟歲已多陰村落蒙蒙竹池塘拍拍禽籜書銷日月弟妹割商參未覺春光好春來雪滿簪

迎春

春在東山山上頭鳥啼草綠夾鳴騶簪女齊簪雙彩燕  
鬢童爭買小泥牛高林雨霽花如繡平野風和麥欲秋  
卻憶家園冰雪裏邀牀人未脫羊裘

隆井場署中西園亭

竹木有深處官中長得閒風喧門外海雲起屋頭山徑  
曲苔錢綠年深鐵樹殷猶嫌隔城鑰月上卻須還

雨中至鵝埠則吳亨仲先在

濕衣投野店店舍不盈尊煮茗檐茅落題詩壁土侵千  
山仍絮帽萬頃已秧鍼幸遇吳公子同爲喜雨吟

草菴

鵝埠西邊長蓢塘雲來如墨樹蒼涼迎頭一陣蓑蓑雨  
才轉山坳又夕陽

奉贈辛楣先生二首

已信溪山好無憂瘴癘侵論丈昏夜燭及物旱天霖醉  
酒千人醉洪鐘萬石音前時紅豆叟俎豆未銷沈

回節羚羊峽維舟鴈翅城橐裝盈翠墨賓從盡瓊英挾  
策叨門館牽絲近旆旌何如謝塵鞅負笈事先生

喜周肅齋至粵

齊魯循聲嶽樹高南來萬里犯層濤經過山水歸詩卷  
別後情懷認鬢毛逸足君應龍作友孤蹤我似鴈求曹  
相逢舊雨尋車笠日日羊城共濁醪

送周肅齋署惠州同知夢前韻

碣石專城棨戟高門前萬馬看翻濤經年蕉雨霑衣袂  
六月松風透骨毛君到炎州遂清賞誰言佐郡是閒曹  
明晨便去黃泥巷今夜姑傾烏米醪

贈蘇梧岡

朝陽

身瘠使人搔頻易非其地倩客削書牘安能如吾意況  
非面指授慊僕豈解事所以郵中札一稿常百施君本  
金闔才作此甚不類家貧奚不爲揮灑付兒戲昨逢五  
羊城索我枕中祕示君惠棟箋欣然愛古義小學久不  
講九經厚塵積順德胡與張頤稱略識字胡死張亦病

說文誰復嗜君其殫日力此學當勿墜

荅蔣器

賢甥念我滯炎荒開札無端淚數行滿眼湖山愁外媚  
近秋風雨夢中涼貧來充橐惟吟璫病嘲逢人乞藥方  
萬里家園儻相見他時莫訝鬢毛蒼

端午招孫稼軒張药房馮未堂小集大佛寺遂遊

六榕光孝二寺四首

荔枝熟日是端午飽啖今年又幾場眼見儻人絳襦脫  
角弓不要粉團嘗

六榕何年付劫灰殘碑金薤積秋苔共圖放眼登高塔  
不爲東坡也要來

去年曾與大馮君手拓訶林漢鐵文今日來遊亦端午  
菩提樹下到斜曛

作客年年到五羊偶于古刹泛蒲觴天南故事吾曹始  
不弔靈均弔仲翔

回帆寄書昌

身爲萍葉忽西東兩月番禺兀兀中病榻偏多留客雨  
回帆又遇打頭風南州下吏黃茅瘴上國諸儒白虎通

事不相關卻相憶紙窗燈火幾年同

一墮

一墮黃茅瘴勞勞鬢欲斑家書諸弟淚春夢故鄉山吏事忙中拙詩懷病後慳同人多館閣未敢想追攀

剪翠菴

剪翠是誰名緣匪得化城門當修竹靜鳥與亂泉鳴小憩僧堪話頻來大亦迎輕裝困霑濕高閣夕陽橫

海豐縣贈史雲亭

海波清不渾良吏海同諭片雨仍瓜市千帆集鮀門

港名

青山參樹色赤岸積潮痕四野頌聲沸此堪貽子孫

陂溝

牛母湖東路茅檐積雨痕松風失炎夏  
蟬噪逼黃昏一點漁舟火幾家巖下村敲門求託宿  
兼得酒盈樽

塗中寄季深

卑濕能爲病非徒困折支積霪藤轎漏  
暴漲石橋危奔走何時輟情懷小弟知年年歸不得三徑尙無資

臥椅十二韻

臥椅何人製輕堅不費工前堂衙散後別院樹陰中取

快寧施扇追涼勝坐俄頻移如竹轎倒挂卽筠籠牀疊  
兼安枕舟孤未覆蓬醉餘憑偃仰病起稱衰癃手足舒  
能暢巾衫脫已空噬臍防豹腳搔背信蠻童褫襪無過  
客文書莫惱公當願遲明月四面是清風木榻傳龍尾  
紗帷憶馬融忽懷箕踞戒吾道重持躬

送王令貽歸登州

襆被蕭蕭曠一肩壯遊不爲買山錢別從霧雨巒江外  
歸向樓臺蜃市邊行卷費殘才幾斗直廬待運筆如椽  
成連謂宋蒙泉先生曾共蓬萊宿縱少知音莫改弦

荅畢子上

別來枳棘歎卑棲期會勞勞簿領迷頭白趨風梅嶺外  
山青引夢稷門西文章到在花前讀得失知從酒後齊  
不是天公付吟管吾曹何異太倉梯

石井渡

石井呼舟斥堠閒幾回來往坐潺湲濁濤沒岸前宵雨  
空翠迎人異縣山期會紛紛多掣肘風塵滚滚暗凋顏  
何時去住能由我羨殺沙洲立白鷗

徑門

巖下一閒屋榕根三畝陰偶然坐敲石遂得聽幽禽哀  
樂集雙鬢文章餘寸心不堪長作客惟念故山岑

寄竇氏妹

未作他年計徒爲萬里遊散離鴻鴈苦生死脊鵠愁嗣  
子粗能養今生事已休六人汝長在節孝表烏頭

中秋夜對月

月及中秋好天敎此夜晴一尊成對酌雙鬢與爭明令  
節供多病歸塗計幾程眼穿憐弟妹慎莫照柴荆

癸與道中

過此卽興縣好山隨路多僕夫困登陟吾意愛烟蘿碧

漲幾灣水青歸千頃禾農家懷舊尹

謂吳亨仲去後尚謳歌

不寐

不寐緣底事非徒吟未安升沈知有數哀樂集無端鐙  
火何人共家山一夢難繫繫衝鼓盡所得是孤寒

鵝埠旅店

炎夏回雙履清秋又五羊溪風魚絕破嶺雨豆田荒鐙  
火投郴舍蟲聲近客牀天南氣漸改八月已清涼

惠州西湖二首

湖平登岸見路細過橋分城堞依空水僧堂隔亂雲鐘聲經雨斷漁唱逆風聞更覓扁舟去烟深日未曛

握手臂邀誰共抽身得暫游我懷蘇玉局人道小杭州古色看秋草閒情付海鷗六如亭畔樹長對合江樓

樵婦

循州惠州路樵采女爲羣繭足擔秋雨蓬頭斫亂雲丁男竟安往若輩太辛勤歌舞江南滿何曾刺繡文

寄王周山

同學誰年少王郎玉不如飢驅千里道飽讀十年書梅

寄南枝數音傳  
朔鴈虛吾衰君又嬾夢斷小松居

普寧舟中

舟小才容榻秋光到晚迷溪清雲上下舵轉月東西萬里成萍葉平生厭馬蹄誰知短篷底一夜得安棲

東山次韻

環郭皆鯨浪東邊列翠屏烟拖林背暗潮齧石根青杖履頻遊地高明何處亭前人偏好事巖谷徧鐫銘

晚抵惠來

徑口西去路天寒殘照橫千林歸鳥影十月叱牛聲對

面雲出沒夾輿山送迎吏人紛道左燈火到嚴城

龍江渡

橋版高千樹行人怯下看迎潮漁網集夾岸竹風寒蜀  
棧天同上秦松石作盤平生防路險緩步便能安

題甲子所劉氏書館

且住爲佳耳閒顏逆旅中緒風生邃戶寒雨散遙空石  
學羣峯秀花能十月紅故人攜榼至謂張鳳鏘相與問詩筒  
甲子門何在流傳史冊閒欲看城外海更上屋頭山日  
落千帆集時平百雉閒無端感興廢覽表鄭名近通閩

野店

野店愁不寐到來開酒卮  
燈明墟散盡烟起飯炊遲得  
句悲秋裏懷人對月時眼花兼齒豁老至不難知

解纜

解纜平山下珠江尙數程  
炊烟叢竹暗落日半川明入  
夢蓬萊島牽人鴈翅城不辭  
奔走苦奔走太無名

達濠舟中

達濠夜半潮水生飄飄孤船隨潮行逆風吹樹厓上響  
倒月映天蓬底明圖史無緣困筐篋樵漁有約憶柴荆

燕南師友齊東弟萬里迢迢歲暮情

逼除有事澄海

昨宵身世落鴻濛  
溪郭山墟艤船通涼到  
有聲榕葉雨碧來  
無際麥苗風蠻禽拍水春  
先滿瘴果登盤歲又終  
明日回衙須痛飲  
屠蘇後酌忽成翁

除夕

尊酒持難醉  
燈花照不眠  
驚心聞爆竹  
屈指檢詩篇  
弟妹飢寒裏  
松楸寂寞邊  
家書欲誰信  
祇是道歸田

守歲示季深

五年官寺略如家節序驚奔赴壑蛇藥物不消頭上雪  
文書漸眩眼中花迎神呼酒賓客集壓歲分錢兒女譁  
惟有阿深悽欲絕非游非仕滯天涯

丙申元日

嶺南冬盡如初秋淫霖晝夜飄不休天爲新歲兆豐稔  
千重霾霧崇朝收海邑同官五更集呼嵩九拜歡鈴驂  
日出榑桑爛異采東方占候符滿筭忽憶去年大風作  
聲來厲似千虎彪拔木仆屋在頃刻郡城先發當上游  
我潮居民差安帖港口擊碎萬斛舟記是六月日丁亥

丁酉江溢殃田疇。廳母汲臣相表裏。揭陽普寧屍如邱。  
潮有丘瀆不畏漲。尾閭之量容千流。田廬婦子竟無恙。  
神功浩浩安可酬。不論何神與何吏。張弛莫與民爲仇。  
譬如守吏有賞罰。稍乖人性羣相尤。十風五雨古有例。  
豈假喜怒憑陽侯。政拙惟乞天公助。今年氣象迥不侔。  
文武相揖歸官寺。屠蘇一瓊夫何求。

元日得張药房見懷詩四首次韻奉答

噪甚張公子。才名獨冠時。天南有壇坫。海內幾心知。  
重九千字溫柔。三百詩。覃溪高月旦。許爾是經師。

別後風埃積眼餐未勝常肩輿行路苦手版謁人忙判  
牘雞三唱排衙月滿廊偶然吟興發偏與簿書妨  
數作羊城客蕭閒得自如院僧供讀畫印吏遺鈔書拓  
字荒榛裏看山夕照餘嵒園曾共到泉樹最憐渠  
獨夜相思劇新年一札來未衰鴻鵠志共抱脊鵠哀絲  
勝看雙鬢屠蘇悵後杯爲君初試筆坐覺歲華催

人日舟中

海上逢人日無心問酒螺島風隨棹疾巒雨入春多食  
餅思鄉劇登山柰勸何題詩欲誰寄極目森烟波

郵行見桃花二首

頭白邀春笑老僧桃花一樹最風情平生不識吳姬面  
邂逅江郵欲目成

昨日春風到天涯妖紅照水數枝斜暗香疎影年前盡  
汝是天南第一花

石港郵勝思寺

一徑入烟岑禪堂出竹林茶花風後豔粥鼓雨中沈春  
蘚著行跡夜泉聞梵音靜來翻不寐始覺世緣深

六通菴

佛宇山腰出僧房樹杪齊有人循曲磴今夜途高棲月色諸天近雞聲萬井低雲門讀書地歸夢未應迷

有事澄海南鄙

地是鷗汀背官逢鮀浦司風腥知海近雨冷得春遲令節燒燈過荒邨載酒隨誰家賽龍母鉦鼓走靈旗

上水船

逆風復逆水推輓亦徒勞一夜雨如注上流深幾篙岸花落沙觜崖鳥鳴松毛且以媚耳目疾徐隨所遭

豐順縣臥病謝龍交亭餉酒

山館泥塗滯轉蓬孤棲猶學苦吟蟲人來石磴松濤裏  
詩在春宵雨點中老境隨時防肺病塵寰何物愈頭風  
故交別有刀圭贈一戎醉醪百慮空

病中寄季深

山城三日臥微病滯征輪檐雨寒侵枕窗風猛著人客  
愁憐爾其春夢到家頻且望衙齋裏連牀一飲醇

別龍交亭

萬松鬢高嶺蒼蒼虬龍蟠我自松閒來所得風雨寒念  
此春色老感此程塗寬寒氣入骨髓都作痛與酸臥病

閣行輶三日慘不歡幸遇爾地主七載爲同官易我雨  
中宿衛我風中餐一汗意爽豁如吞還魂丹委頓晨在  
牀及午能據輦梅州將可到無復行路難

豐順道中

日行空谷裏百轉徑如螺亂樹黏雲暗寒風挾雨多花  
光濃照水山意綠歸蛾于役成游眺樵蘇共放歌

言嶺寺

亂石疑無路高厓忽有門數椽安樹杪一衲臥雲根風  
助松濤冷春慳草色暄新年三十日日雨翻盆

橋頭柵

我過橋頭柵如逢峒口川竹寒承夕雨花靚釀春烟避  
石斜開徑分渠巧作田誰家住松頂火食亦神饌

嘉應州

風物隨方異梅州二月天沿溪鷁舅樹近郭聳娘船山  
色寓樓外雨聲寒食前還須求老酒爛醉寫蠻箋

贈蔣南莊州牧

處士曾名縣將軍亦命州此邦最形勝城郭枕溪流老  
酒開春蟻青山問瘦牛州家是詩伯題滿庾公樓

松口登岸視邱生

錫協病

松口清暉趁卸帆爲尋幽宅到溪南春風閉戶逢多病  
客路抽身快一談芳樹落紅圍酒琰亂山擁翠入書龕  
峭寒淫雨應調護講學皋比老尙堪

迴瀾亭次署道康公韻

石可千人坐風從八面來平檣山翠擁俯榭水鱗開古  
堞爭高下春帆信泝洄名亭應有說不爲避炎埃

雨

今歲春寒甚淫霖日夜聞花遲如有勒秧小尙難分水

失三叉路山成一抹雲行輿苦霑濕試作乞晴文

羊蹄嶺

蒙密松爲障回旋徑似螺兜輕青草滑衣濕白雲多官  
堠遙相應洋帆靜不波清時南徼外瞻眺意如何

寄朱梅林

廷坊

絕域登臺望眼穿家鄉無復尺書傳歸程明日又明日  
詩格一年低一年如爾豪情應不減等身新作幾多篇  
酒人隊裏逢家弟試問郴東種麥田

烏鵲口

花事落已盡乘船過驛亭秧田夾潮白滬樹接天青鳥  
語春風輕魚苗水氣腥西樵不可望向夕雨冥冥

草

山坡接河畔極目有萋萋碧似天光倒春將樹色齊笨  
車停古驛疲馬滯長隄回首家山路春風待品題

大通活

孤舟江上行十里一聞鉅烟樹差差綠沙鷗點點明推  
蓬風外色搖櫓雨中聲立夏來朝是畱春頃刻情

太通寺

七年重到此塵事苦相縈蕉雨僧衣綠松濤鶴夢清繙  
經雙手斂試茗一旗傾門外珠江水潮回又入城

贈黎簡

西郭有高士讀書常閉關昨攜筇竹去獨上羅浮山我  
愛坡谷作因懷冰雪顏何當訪丹竈共踏苔斑斑

柬張薦房

今年三月已立夏四月荔枝露口無淫雨作寒欺病骨  
峭風吹雪上吟鬚黃泥巷隘眼食惡畫戟門高昏曉趨  
試買陳郎共斟酌看君醉睡夜光珠

和作

公來愧我不能館  
積雨羊城爽  
燈無屢過談天開笑  
口不堪問事  
挽鬚鬚暫閒手版故人酒初換頭銜公  
府趨相勸加餐禦卑濕囊中薏以勝明珠

歸善南鄙有寺曰草菴予往來題詩其壁注以月  
日殆數十首每憩于此寺僧進茶輒索番錢一  
枚去年九月偶未與則盡削所題詩予初不介  
意而澄海明府許廉房憲過此題詩旅店以責  
僧予爲解之二首

五年奔走亂山叢  
草草題詩媿未工  
塵壁原無紅袖拂  
梵堂敢望碧紗籠  
崔郎五字江波外  
蘇過千篇劫火中  
多是高僧爲藏拙  
不留雪爪識孤鴻

拋擲禪房幾餅銀  
買將粉壁寫詩頻  
偶然西抹東塗處  
漫與南來北往人  
一自文章逢小劫  
始知空寂是前因  
便應盡出奚囊物  
香積廚中代束薪

惠來道中大水

十日雨淒淒  
行人悵路迷  
山窮橋柱斷  
水漲樹梢低  
雞犬登茅屋  
魚蝦滿稻畦  
扁舟那可得  
無處不成溪

勸農

海堧風日媚新晴載酒擔花曉出城父老杖藜相問訊  
兒童騎竹競逢迎十三都內皆安業一百年餘不被兵  
得替我今無百日忍教租吏奪深畊